

元和郡縣志卷六

唐 李吉甫 撰

河南道一

河南府 洛州東都

開元戶一十二萬七千四百九十
元和戶一萬八千七百九十九
鄉二百
鄉八十

禹貢豫州之域在天地之中故三代皆為都邑陽翟夏城禹都也偃師西亳湯都也周成王定鼎于郊鄩使召公先相宅乃卜澗水東澶水西是為東都今苑內故王城是也又卜澶水東召公往營之是為成周今河南府

元和郡縣志

卷六

一

東故洛城是也至赧王獻地于秦莊襄莊襄王立為三川郡三川伊洛河也漢改為河南郡後漢光武帝建武元年入洛陽遂定都焉及董卓逼遷獻帝西都長安盡燒洛陽宮廟後又都焉魏文帝受禪亦都洛陽陳留王以司隸校尉所掌置司州領河南河東河內弘農平陽五郡晉武帝受禪司州不改永嘉初劉曜叛亂司州沒胡後又沒于石勒東晉穆帝永和元年桓溫入洛陽置河南郡宋武帝北平關洛復置司州後魏孝文帝太和十九年六宮文武盡遷洛陽改為河南尹至周宣帝移相州六

府于洛州以爲東京隋文帝改六府爲六尚書省又置河南道行臺省仁壽四年煬帝詔楊素營東京大業元年新都成遂徙居今洛陽宮是也其宮北據邙山南直伊關之口洛水貫都有河漢之象東去故城一十八里初煬帝嘗登邙山觀伊闕顧曰此非龍門耶自古何因不建都于此僕射蘇威對曰自古非不知以俟陛下帝大悅遂議都焉其宮室臺殿皆宇文愷所創也愷巧思絕倫因此制造頗窮奢麗前代都邑莫之比焉又改洛州爲豫州置牧三年罷州爲河南郡置尹四年改東京

元和郡縣志

卷六

二

爲東都十四年復置洛州隋亂王世充僭號稱鄭改爲司州武德四年討平充復爲洛州仍置總管府其冬罷府置陝東道大行臺太宗爲大行臺尚書令九年罷臺置洛州都督府貞觀十八年廢府顯慶二年置東都則天改爲神都神龍元年復爲東都開元元年改洛州爲河南府天寶元年改東都爲東京至德元年復爲東都

府境

案東西六百里二十一里南北里數傳寫缺

八到

東西至上都八百五十里東至鄭州二百八十里

東北至懷州一百五十里西北至陝州三百五十里

東南至汝州路一百七十里
西南取崆嶺路至陽翟縣二百四十里從縣至許
州九十里

貢賦

開元貢賦

綾絹

絹綿

白瓷器

管縣二十六

洛陽

河南

偃師

緱氏

鞏

伊闕

密

王屋

長水

伊陽

河陰

陽翟

潁陽

告成

登封

福昌

壽安

澠池

永寧

新安

陸渾

河陽

温

濟源

河清

汜水

元和郡縣志

卷六

三

洛陽縣

赤郭下

本秦舊縣歷代相因貞觀六年自金墉城移入郭內毓
德坊今理是也神龍初改爲永昌尋復舊號

故洛陽城在縣東二十里按華延儻云洛陽城東西七
里南北九里洛陽城內宮殿臺觀府藏寺舍凡有一萬
一千二百一十九門自劉曜入洛元帝渡江官署里閭
鞠爲茂草後魏孝文帝太和十七年幸洛陽巡故宮遂
咏黍離之詩爲之流涕觀石經仍定遷都而經始洛京
十九年九月新都始立于六宮文武盡遷洛陽

洛水在縣西南三里西自苑內上陽之南瀾漫東流宇文愷築斜堤東令東北流當水衝捺堰九折形如偃月謂之月坡今雖漸壞尙有存者

河南縣

赤郭下

本漢舊縣後魏靜帝改爲宜遷縣周宣帝復爲河南隋仁壽四年遷都移縣于東都城內寬政坊卽今縣是也永昌元年以明堂初成改爲合宮縣神龍初復舊二年復爲合宮景雲初復舊

洛水在縣北四里伊水在縣東南十八里

元和郡縣志

卷六

四

瀍水在縣西北六十里禹貢曰伊洛瀍澗旣入于河孔安國注曰出河南北山水經云源出河南穀城縣北今驗水西從新安縣東入縣界

天津橋在縣北四里隋煬帝大業元年初造此橋以起洛水用大船維舟皆以鐵鎖鉤連之南北夾路對起浮樓其樓爲日月表勝之象然洛水溢浮橋輒壞貞觀十四年更令石上累方石爲腳爾雅斗牛之間爲天漢之津故取名焉

中橋咸通三年造累石爲脚如天津橋之制

通津渠在縣南三里隋大業元年分洛水西北名千步
磧渠又東北流入洛水謂之洛

案此下有缺文

偃師縣

畿西南至府七十里

本漢舊縣帝嚳及湯盤庚並都之商有二亳成湯居西
亳卽此是也至盤庚又自河北徙理于亳商家從此而
改號曰殷武王伐紂于此築城息偃戎師因以名焉天
寶七年四月河南尹韋濟奏于偃師縣東山下開驛路
通孝義橋廢北坡義堂路焉

北邙山在縣北二里西自洛陽縣界東入鞏縣界舊說
元和郡縣志

卷六

五

云北邙山是隴山之尾乃眾山總名連嶺修互四百餘
里

首陽山在縣西北二十五里

盟津在縣西北三十一里

緱氏縣

次赤西北至府六十三里

本漢舊縣古滑國也左傳曰秦師滅滑其後屬晉至秦
漢爲縣因山爲名隋大業十年移據公路澗西憑岸爲
城卽今縣是也

緱氏山在縣東南二十九里王子晉得仙處

轅轅山在縣東南四十六里左傳樂盈過周王使候出諸轅轅注曰緱氏縣東南有轅轅關道路險隘凡十三曲將去復還故曰轅轅後漢河南尹何進所置八關此其一也

鄂嶺坂在縣東南三十七里晉八王故事曰范陽王保于鄂坂後于其上置關

洛水自西洛陽縣界流入

曹城在縣東一里曹操與袁術相拒築城于此

袁術固一名袁公塢在縣西南十五里宋武北征記曰

元和郡縣志

卷六

六

少室山西有袁術固可容十萬眾一夫守隘萬人莫當公路壘在縣南三里袁術與曹公相拒處

鉤鑣故壘在縣東北七里宋書司馬休之從宋公西征營于柏谷塢西卽此壘相連如鎖因以爲名也

鞏縣

畿西至府一百四十里

古鞏伯之國也春秋晉師尅鞏戰國時韓獻于秦至漢以爲縣屬河南郡隋大業十三年李密自潁川率羣盜十餘萬襲破洛口倉因據鞏縣仍築城斷洛川包南山週迴三十餘里屯營其中後爲王世充所破縣本與

成臯中分洛水西則鞏東則成臯後魏併焉按爾雅鞏固也四面有山河之固因以爲名

大陵山在縣東南六十里

黃河西自偃師縣界流入河干此有五社渡又有五社津後漢失鮪遣賈强從五社津渡是也

洛水東經洛汭北對瑯邪渚八河謂之洛口亦名什谷張儀說秦王下兵三川塞什谷之口卽此也

伊闕縣

畿北至府七十里

古戎蠻子國漢爲新城縣屬河南郡周武帝時屬伊川

元和郡縣志

卷六

七

郡隋開皇十八年罷郡改爲伊闕縣

伊闕山在縣北四十五里兩山相對望之若闕伊水流其間故名

陸渾山俗名方山在縣西五十五里

伊川西自陸渾縣界流入左傳秦晉遷陸渾之戎于伊川是也

伊闕故關在縣北四十五里何進八關之一

密縣

畿西南至府一百一十里

本漢舊縣古密國也春秋諸侯伐鄭圍新密漢屬河南

郡隋大業二年廢十二年又置武德三年于此置密州
四年廢州以縣屬鄭州龍朔二年割屬河南府爾雅曰
山如堂者曰密因以爲名

大隗山在縣東南五十里本具茨山黃帝見大隗于具
茨之山故亦謂之大防山澗水源出于此

馬嶺山在縣南十五里洧水所出

王屋縣

畿東南至府一百里

本周時召康公之采邑漢爲垣縣地後魏獻文帝分垣
縣置長平縣周明帝改爲王屋縣因山爲名仍于縣置

元和郡縣志

卷六

八

王屋郡天和元年又爲西懷州隋開皇三年改爲邵州
大業三年廢邵州以縣屬懷州顯慶二年割屬河南府
齊子嶺在縣東十二里卽宇文周與高齊分據境之處
也

黃河在縣南五十里

王屋山在縣北十五里周迴一百三十里高三十里禹
貢底柱析城至于王屋是也

析城山在縣西北六十里峯四面其形如城有南門焉
故曰析城

長水縣

畿東至府二百三十里

本漢盧氏縣地後漢晉宋不改後魏宣武帝分盧氏東境置南陝縣屬弘農郡西魏廢帝改爲長淵隋義寧元年以犯高祖廟諱改爲長水貞觀八年自虢州割屬穀

州顯慶二年屬河南府

穀州今新安縣所理是也

伊陽縣

畿北至府二百六十里

本陸渾縣南界之地先天元年割置伊陽縣

伊水路在縣西南出鸞掌山東流水經云出南陽魯縣蔓蘗山東北過陸渾縣南又東北過伊闕中又東北入

元和郡縣志

卷六

九

于洛多雨暴漲諸峽東水之處其高或七八丈故伊關石壁有石銘云黃初四年六月二十四日辛巳大水出高四丈五尺

銀鈔窟在縣南五里今每歲稅銀一千兩

洒陰縣

望西南至府二百三十里

本漢滎陽縣地開元二十二年以地當汴河口分汜水滎澤武陟三縣地于輸場東置以便運漕卽侍中裴耀卿所立初耀卿爲宣州刺史開元十八年因朝集上便宜曰竊見江淮諸州所送租庸等本州正月二月上道

至揚州入斗門卽逢水淺停留一月以上四月以後始渡淮入汴多屬乾淺又搬運停留至六月七月方至河口卽遇黃河漲濫不得入河又須停一兩月待河水較小始得上河入洛卽又漕洛乾淺船艘不通計從江南至東都停滯日多得行日少艱辛欠折因此而生伏見國家舊法河口元置武牢倉江南船不入黃河卽于倉內便貯也鞏縣置洛口倉從黃河不入漕洛卽于倉內安置爰及河陽倉柏崖倉太原倉永豐倉渭南倉節級取便例皆如此水通利則隨近運韓不通利則且納在

倉不滯遠船不生隱盜每年剩得一二百萬石卽數年之外倉廩轉加至二十二年以耀卿爲相兼轉運都使于是遂分置河陰縣及洒陰倉又河清縣置柏崖倉三門東置集津倉三門西置鹽倉三門北鑿山十八里陸行以避滿險自江淮來者悉納河陰倉白河陰候水調浮漕送含嘉倉又取曉習河水者遞送太原倉所謂北運也自太原倉浮渭以實關中凡三年運七百萬石省腳三十萬貫及耀卿罷相後緣北路險澁頗爲隱欺議者言其不便事又停

汴渠在縣南二百五十步亦名葭蕩渠禹塞滎澤開渠以通淮泗後漢初汴河決壞明帝永平中命王景修渠築隄十里立一水門令更相注洄無復潰漏之患自宋武北征之後復皆堙塞隋煬帝大業元年更令開導名通濟渠自洛陽西苑引穀洛水達于泗自板渚引河入汴口又從大梁之東引汴水入于泗達于淮自江都宮入于海亦謂之御泗河畔築御道樹之以柳煬帝巡幸乘龍舟而往江都自揚益湘南至交廣閩中等州公家運漕私行商旅舳艫相繼隋氏作之雖勞後代實受其

元和郡縣志

卷六

十一

利焉

汴口堰在縣西二十里又名梁公堰隋文帝開皇七年使梁睿增築漢古堰過河入汴也

三皇山亦曰竅高山上有三城卽劉項相持處春秋左氏傳曰晉師在敖鄙之間亦此也

陽翟縣

畿西北至府二百四十里

本夏禹所都春秋時鄭之櫟邑韓自宜陽移都于此秦爲潁川郡楚漢之際韓公子成爲韓王項羽殺成立鄭
□□元年又誅昌立橫野君信六年徙信太原公復口

潁川郡領縣二十理陽翟潁川屬縣後魏復置陽翟郡隋開

皇十六年廢郡置嵩州以縣屬焉大業三年隸襄城郡

武德中又隸嵩州貞觀元年廢入許州建都後改屬洒

南府

鈞臺在縣南十五里左氏傳曰夏啓有鈞臺之饗也

潁陽縣畿西北至府九十里

古綸氏縣本夏之綸國也少康之邑在焉漢屬潁川晉
省後魏太和中于綸氏縣城置潁陽縣屬河南郡又分
潁陽置瑤陽縣隋開皇六年改瑤陽爲武林十八年又

元和郡縣志

卷六

十二

改爲綸氏大業元年改爲嵩陽載初元年又改爲武林
開元十五年改爲潁陽

大石山一名萬安山在縣西北四十五里

倚箔山望之如立箔山西北崖下有鍾乳隋時充貢

陽乾山在縣東二十五里潁水一源出陽乾山

大谷口在縣西北三十五里孫堅停兵大谷距洛陽九
十里卽此谷

大谷故關在縣西北四十五里何進八關之一也

告成縣畿西北至府一百七十里

本漢陽城縣屬潁川郡因陽城山爲名後魏置陽城郡屬司州隋開皇三年廢郡以縣屬洛州十六年于此置嵩州仁壽四年省嵩州以縣屬河南郡萬歲登封元年則天因封中岳改名告成

許由山在縣西十三里

嵩高山在縣西北二十三里

少室山在縣西北五十里

陽城山在縣東北三十八里

鬼谷在縣北五里卽六國時鬼谷先生所居也

元和郡縣志

卷六

十三

測景臺在縣城內西北隅高一丈開元十年詔太史監南宮說立石表焉

登封縣

畿西北至府一百三十五里

本漢嵩高縣武帝元封元年置以奉太室後省入陽城累代因之高宗將有事于中岳分陽城緱氏置嵩城縣萬歲登封元年則天因封岳改爲登封

嵩高山在縣北八里亦名方外山又云東曰太室西曰少室嵩高總名卽中岳也山高二十里周迴一百三十里

少室山在縣西十里高十六里周迴三十里潁水源出

焉

潁水有三源右水出陽乾山之潁谷中水導源少室通阜左水出少室南溪東令潁水

啟母祠縣東北七里漢書武帝祀中岳見夏啟母石是也應劭云啟生而母化爲石淮南子亦同嵩山記陽翟婦人今龕中鑿石像其石漢安帝延光三年立

福昌縣

畿東至府一百五十里

古宜陽地春秋時漢晉七國時屬韓漢以爲縣屬弘農郡後漢建武三年馮異破赤眉于崤底餘眾走向宜陽帝自征之赤眉君臣面縛卽此地也隋義甯二年于此

元和郡縣志

卷六

十四

置宜陽郡武德元年改爲穀州改宜陽縣爲福昌縣取縣西隋宮爲名顯慶二年廢穀州以縣屬河南府今縣城卽魏一全塢城東南北三面天險峭絕後周置重兵于此以備高齊

女几山在縣西南三十四里

壽安縣

畿東北至府七十六里

本漢宜陽縣地後魏分新安置甘棠縣隋開皇三年以縣屬熊州十六年改爲穀州仁壽四年改名壽安縣貞觀七年改屬河南府

石墨山在縣西南三里山石如墨可以書

洛水西自福昌縣界流入

少水今名慈澗水出縣北

八關故城在縣東北三十里後漢靈帝中平元年以河南尹何進爲大將軍將五營士屯都亭置函谷廣城伊闕大谷轅轅旋門小平津孟津等八關都尉官理于此永濟橋在縣西十七里煬帝大業三年置架洛水隋亂毀廢貞觀八年修造舟爲梁長四十丈三尺廣二丈六尺

元和郡縣志

卷六

十五

澠池縣

畿東至府一百五十里

本韓地哀侯東徙其地入秦漢以爲縣屬弘農郡隋文

帝時屬熊州

今河南府福昌縣是也

十六年改屬穀州顯慶二年

廢穀州縣屬河南府

廣陽山亦名澠池山在縣東北五十五里

穀水南去縣二百步東經秦趙二城俗謂之俱利城

東城在縣西十三里

西城在縣西四十里昔秦趙會于澠池之處

大塢故城在縣北十五里後魏武帝入關使行臺楊騰

出關安撫騰因舊城置大塢鎮

永寧縣

畿東至府二百里

漢澗池縣之西境後漢晉宋不改後魏文帝于今縣東四十里置北宜陽縣屬宜陽郡廢帝二年改爲熊耳縣義寧二年置永寧縣屬宜陽郡貞觀元年改屬洒南府二嶠山又名嶽崙山在縣北二十八里春秋時秦將襲鄭蹇叔哭送其子曰晉人禦師必于嶠嶠有二陵其南陵夏后皋之墓北陵文王之所避風雨必死是間漢建安中曹公西討巴漢惡其險更開北山道路多從之路

元和郡縣志

卷六

十六

側有石銘曰晉太康三年弘農太守梁柳修復舊道西征記嶠上不得鳴鼓角鳴則風雨總至自東嶠至西嶠三十五里東嶠長坂數里峻阜絕澗車不得方軌西嶠全是石坂十二里險絕不異東嶠漢馮異破赤眉于嶠底魏龐德破張白騎于兩嶠間

熊耳山在縣東北四十五里後漢世祖破赤眉積甲宜陽縣城西與此山齊按禹貢導洛自熊耳在商州上洛縣界與此別也

穀陽山在縣西北五十五里漢書地理志穀水出穀陽

山

回谿俗名迴坑在縣東北三十六里馮異與赤眉戰敗于此璽書勞曰始垂翅于迴溪終奮翼于澠池可謂失之東隅收之桑榆

新安縣

畿東至府七十里

本漢舊縣屬弘農郡晉改屬洒南郡後魏屬新安郡周武帝保定三年省新安郡又于今縣理置中州建德六年省中州又置新安郡隋開皇十六年改置穀州貞觀元年新安屬河南府

元和郡縣志

卷六

十七

穀水在縣南二里國語曰穀洛鬪壞王宮是也縣城本名通洛城周武帝將東討令陝州總管尉遲綱築此城以臨齊境

白超故城一名白超壘一名白超塢在縣西北十五里壘當大道左右有山道從中出漢末黃巾賊起白超築此壘以自固東魏修築爲城因名白超城

函谷故關在縣東一里漢武帝元鼎三年爲楊僕徒關于新安按秦函谷關在今陝州靈寶縣西南十二里以其道險隘其形如函故曰函谷項羽坑秦降卒于新安

卽此地今縣城之東有南北塞垣楊僕所築

慈澗故鎮在縣東南二十里周武帝保定六年置武德三年討王世充前軍鎮此太宗以輕騎擊破之充拔鎮歸于東都

陸渾縣

畿東北至府一百三十里

本陸渾戎所居春秋時秦晉遷陸渾之戎于伊川至漢爲陸渾縣屬弘農郡後屬洒南尹後魏改爲伏流縣隋大業元年省伏流縣移陸渾縣于今理

三塗山在縣西南五十里左傳曰四嶽三塗陽城大室元和郡縣志

卷六

十八

九州之險

明臯山在縣東北十五里

伊水在縣西南自虢州盧氏縣界流入

伏流城卽今縣理城東魏孝靜帝武定二年所築以城北焦澗水伏流地下西有伏流坂因以爲名

河陽縣

望西南至府八十里

自洒陽以下五縣今權隸三城節度

本周司寇蘇忿生之邑後爲晉邑在漢爲河陽縣屬洒內高齊省八温軹二縣隋開皇十六年分温軹二縣重

置屬懷州武德四年平王世充後割屬河南府

南城在縣西四面臨河卽孟津之地亦謂之富平津後魏使高永樂守洒南以備西魏卽此也周隋爲宮貞觀置鎮

中渾城東魏孝靜帝元象元年築之仍置河陽關天寶以前亦于其上置關縣西南十三里古遮馬堤卽後魏爾先榮殺朝士千三百餘人于此謹按至德中史思明之來寇也時李光弼已至東都聞思明將至乃移牒留守及河南尹并留司官坊市居人令悉出避寇空其城

元和郡縣志

卷六

十九

乃率麾下士馬數萬東守河陽三城拒逆賊黨初謂光弼自洛而西及聞保河陽出其慮外疑懼久之不敢犯宮闕光弼訓練招集威聲大震賊雖入城憚光弼兵威南不出百里西不越畿內陝州得修戎備關隘無虞皆光弼保洒陽之力故自乾元以後常置重兵貞元後加置節度爲都城之巨防造浮橋架黃河爲之以船爲腳竹篲互之晉陽秋云杜元愷造河橋于富平津卽此是也船篲出洪州

溫縣

望西南至府一百三十里

本周畿內司寇蘇公之邑春秋周襄王賜晉文公漢以爲縣屬河內郡隋大業十三年自故温縣移于今所皇朝建都割屬河南府

濟源縣

望南至府一百二十里

古軹邑屬魏秦昭王時伐魏取軹漢文帝時封薄昭爲軹侯屬河內郡隋開皇十六年分軹縣置濟源縣屬懷州以濟水所出因名顯慶二年割屬河南府

濟水在縣西北三里平地而出有二源其東源週迴七
百步深不測西源週迴六百八十五步深一丈皆繚之

元和郡縣志

卷六

二十

以間牆源出王屋山海經云王屋之山澗水出焉郭璞注云澗沅水之源尙書禹貢云導沅水東流爲濟入于河溢爲滎孔安國注云濟水入河並流十數里而南截河又並流數里溢爲滎澤漢書導沅水東流爲沔入于河軹爲滎東出于陶邱北又東至于荷又東北會于汶又北東入于海顏師古云沅水流而爲濟截河又爲滎澤陶邱在曹州定陶西南荷卽荷澤過荷澤又與汶水會北折而東入于海也按沅水出今王屋縣王屋山東流至濟源縣而名濟水滎澤在今鄭州滎澤縣定陶今

曹州濟陰縣也荷澤在今兗州魚臺縣汶水出今兗州
莢蕪縣然濟水因王莽末旱渠涸不復截洒南過今東
平濟南淄川北海界中有水流入于海謂之清河實荷
澤汶水合流亦曰濟河蓋因舊名非本濟水也而水經
是和帝以後所撰乃言濟水南過滎澤至于乘氏等縣
一依禹貢舊道斯不詳之甚也酈道元又從而注之尤
爲紕繆矣
百尺溝在縣東北六里引濟水溉灌仁壽三年置初分
功人穿十丈故名百尺溝

元和郡縣志

卷六

二十一

河清縣

畿南至府六十里

本漢軹縣地縣西有栢崖故城卽東魏將侯景所築武
德初于城東置大基縣八年省咸亨四年重置先天元
年以犯玄宗廟諱改名河清

汜水縣

望西南至府一百八十里

古東虢國鄭之制邑漢之成臯縣一名虎牢穆天子傳
曰天子獵于鄭圃有獸在葭中七萃之士擒之以獻天
子命畜之東虢因曰虎牢漢楚之際項羽使海春侯曹
咎守此漢王破之咎自殺至宋武帝北平關洛置司州

刺史理虎牢魏使奚斤攻宋司州刺史毛德祖經二十日不剋城中傷者無血知其乏水潛作地道其穴猶存隋開皇十八年改成臯爲汜水縣大業十三年陷于王世充武德四年討平充復于縣理置鄭州貞觀七年移鄭州于營城以縣屬焉顯慶二年改屬河南府垂拱四年改名廣武縣神龍元年復爲汜水開元二十九年自虎牢城移于今理
黃河自鞏縣流入

汜水出縣東南三十二里浮戲山經虎牢城東漢破曹元和郡縣志

卷六

二十二

咎于此

成臯故關在縣東南二里

旋門關在縣西南十里卽八關之一

汴口去縣五十里今屬河陰

坂渚在縣東北三十五里初竇建德眾數十萬自于坂渚結陣南屬鵠山以臨汜水太宗帥輕騎擊之賊眾大潰建德竄于牛口渚將軍白士讓生獲之先是童謠云豆入牛口勢不得久果敗于此牛口渚與坂渚邈迤相接

等慈寺在縣東七里王師旣破建德詔于戰所起寺立
碑紀功焉令顏師古爲碑文

元和郡縣志

卷六

二十三

元和郡縣志卷六